

Optimizacija izmjenjivača topote sa prirodnom konvekcijom za sistem grijanja prostora primjenom Peltierovog termoelektričnog generatora

Milan B. Pupčević¹, Mitar Perušić², Petar Gvero¹, Milovan Kotur¹

¹Univerzitet u Banjoj Luci, Mašinski fakultet, Banja Luka, Republika Srpska

²Univerzitet u Istočnom Sarajevu, Tehnološki fakultet, Zvornik, Republika Srpska

milan.pupcevic@mf.unibl.org, mitar.perusic@tfzv.ues.rs.ba, petar.gvero@mf.unibl.org, milovan.kotur@mf.unibl.org

Sažetak - Ovaj rad je nastavak eksperimentalne analize mogućnosti primjene Peltierovih termoelektričnih modula za grijanje objekta, tačnije optimizacija sistema. Koncept sistema je zamišljen da radi bez freona i bez negativnih i štetnih uticaja na životnu sredinu. Cilj rada je dizajnirati detaljan matematički model optimizacije postojećeg izmjenjivača topote za grijanje prostora prirodnom konvekcijom. Eksperiment je koncipiran tako da se Peltierov element pozicionira na izmjenjivače topote i izvrši mjerjenje ulazne struje i neophodnih temperatura, a cijelokupna instalacija je skalirana dimenzionom analizom zbog cijene. Optimizacijom razmaka između rebara na izmjenjivaču topote obezbjeđuje se povećanje topotnog toka konvekcijom i do 10 puta više od komercijalnog neadekvatnog izmjenjivača.

Ključne riječi - Izmjenjivač topote; Termoelektrični efekat; Peltierov modul; Grijanje; Obnovljivi izvori energije;

I. UVOD


Termoelektrični elementi pronašli su svoju prvobitno važnu primjenu u svemirskom programu, ali naknadno i u izradi manjih hladnjaka, za hlađenje računara, u auto industriji, kao i za iskorištavanje otpadne topote u industriji pri visokim temperaturama.

Jeftinije pojedine komponente, a zatim i cijelokupni termoelektrični moduli (TEM), doveli su do ideje da se primjenjuju i kod KGH sistema (klimatizacija, grijanje i hlađenje) [1], [2]. Iako imaju malu efikasnost ovi sistemi su veoma zanimljivi za grijanje i hlađenje prostora ako energiju dobijaju iz solarnih fotonaponskih modula, jer solarno hlađenje nema adekvatno komercijalno rješenje. Tokom proizvodnje električne energije koja se koristi u KGH sistemima, fosilna goriva tokom sagorijevanja uzrokuju efekat staklene bašte i kontinuirano pogoršavaju globalno zagrijavanje, sa druge strane, dovodi do potražnje za sistemima klimatizacije. Pored toga, rashladno sredstvo tradicionalnog klima uređaja, freon, nakon curenja dovodi do nepovratnog oštećenja ozonskog sloja.

Maksimalna vrijednost faktora dobrote termoelektričnih modula je za leguru Bizmut-Telurida (Bi_2Te_3) [3]. Pored Bizmut-Telurida, kao najčešće korištene legure, koriste se Olovo-Telurid, Silicijum-Germanijum i Bizmut-Antimon [4].


Pozicija ovih uređaja u objektu nije uslovljena zbog malih gabarita, te se mogu ugraditi u zid [5] ili u spušteni strop prostorije [6],[7]. Postoji mogućnost i izrade vazdušnog kanala u kojem bi bio smješten izmjenjivač topote sa Peltierovim elementom kao topotnim generatorom, pri čemu bi se obezbijedila cirkulacija vazduha iz prostora preko modula [8].

Prilikom izgradnje novih objekata izvor topote može se lako pozicionirati u zid ili u plafon, ali kod već postojećih objekata je veoma teško vršiti rekonstrukciju stropa i bilo bi finansijski neopravdano. Ideja rada je da se navedena instalacija pozicionira na postojeći zid pri čemu se dodatno ugradi izolacioni panel koji razdvaja sistem od okolnog vazduha. Navedeni spoljni vertikalni zid može biti izrađen od fotonaponskih panela, kako je prikazano Sl. 1.



Sl. 1. Sistem grijanja sa TEM pozicioniranim u zidu

Ranije pomenuti sistem stropnog grijanja i hlađenja, primjenom termoelektričnog efekta, prikazan je na Sl. 2. Stropno grijanje nije opravdano koristiti ukoliko sistem nije kompletan sa hlađenjem, jer se u režimu grijanja topota zadržava u gornjim zonama prostora i upravo to je nedostatak i ograničavajući faktor ovog koncepta grijanja. Na osnovu izloženog usvojeno je da se analizira sistem grijanja pozicioniran u zid prema Sl. 1.



Sl. 2. Sistem grijanja sa TEM pozicioniranim u stropu

Termomoduli pretežno imaju konstantne vrijednosti naponja i temperature pri određenim temperturnim razlikama.

Mnogo autora analizira efikasnost Peltierovog modula kao samostalne komponente, ali za konkretnu primjenu Peltierovog elementa u KGH sistemima neophodno je posjedovati mnogo detaljnije rezultate kompletног sistema sa izmjenjivačima topline. Pojedini autori [5], [9]-[11] su razmatrali cijelokupni sistem sa termoelektričnim generatorom (TEG). Cilj ovog rada je napraviti detaljan matematički model prenosa topline prirodnom konvekcijom a zatim izvršiti optimizaciju razmaka između rebara na izmjenjivaču. Ideja je prikazati toplotne snage izmjenjivača topline cijelokupno prekrivene Peltierovim elementima, za različite dimenzije grejnih tijela.

U ranijem radu [12] se došlo do zaključka da je sistem sa Peltierovim elementima i aluminijumskim izmjenjivačima topline sa obije strane stabilan za prirodnu konvekciju. Sistem pri niskim naponima i strujama, koje se mogu obezbijediti i solarnim fotonaponskim sistemima, sa lakoćom dostiže 90 °C. Mana navedenog sistema je mali koeficijent grijanja COP.


Konačni cilj ovog istraživanja je da se termoelektrični moduli koriste za hlađenje i grijanje objekata, tako da bi neka dalja istraživanja razmatrala optimizaciju broja modula na izmjenjivaču topline, kao npr. [9].

II. MATEMATIČKI MODEL OPTIMIZACIJE IZMJENJIVAČA TOPLOTE ZA GRIJANJE

Prenos topline je veoma specifičan kod izmjenjivača topline sa uskim rebrima i malim razmakom između rebara. Temperatura površine T_s je usvojena kao i u eksperimentu 90 °C, a sobna temperatura T_∞ u vrijednosti od 20 °C. Temperatura T_f za koju su usvojene karakteristike fluida iznosi 55 °C. Dimenzije izmjenjivača topline koji je korišten u samom eksperimentu su 40x40 mm, te je upravo to početna vrijednost za matematički model, a usvojena granična vrijednost dimenzija kvadratnog izmjenjivača koji bi se koristio u prostoru je 1x1 m.

Postojeći izmjenjivač topline koji je korišten tokom eksperimentalne analize je pripremljen u obradnom centru, tako da ima identične dimenzije kao Peltierov element, to jeste da prekrije cijelu njegovu površinu.

Karakteristične dimenzije izmjenjivača topline su dužina rebra tj. visina $L = 40$ mm, širina izmjenjivača $W = 40$ mm i visina rebra od baze $H = 25,1$ mm. Razmak između rebara iznosi $S = 1,5$ a debljina rebra $t = 1,2$ mm, Sl. 3. Da bi se definisala ukupna površina izmjenjivača A_s neophodan je broj rebara $n = 15$.



Sl. 3. Dimenzije rebrastog izmjenjivača orijentisanog vertikalno

Proračun je prvo izvršen za postojeći izmjenjivač topline i dobijene vrijednosti toplotnog toka su analizirane i potvrđene sa vrijednostima dobijenim eksperimentalno.

Prirodna konvekcija sa vertikalne rebraste površine pravouglog izmjenjivača bila je predmet brojnih istraživanja, uglavnom eksperimentalnih. Bar-Koen i Rozenov (Bar-Cohen i Rohsenow) [13] su prikupili dostupne podatke pod različitim graničnim uslovima i razvili korelacije za Nuseltov (Nusselt) broj i optimalni razmak između rebara S_{opt} .

Karakteristična dimenzija za vertikalne paralelne ploče koje se koriste kao rebra obično se uzima kao razmak između rebara S , pri čemu je Rejljev (Rayleigh) broj izražen jednačinom (1):

$$Ra_s = \frac{g \cdot \beta \cdot (T_s - T_\infty) \cdot S^3}{\nu^2} \cdot Pr, \quad (1)$$

gdje su: β -koeficijent zapreminskog širenja, Pr -Prandtlov broj (Prandtl) i ν -kinematska viskoznost fluida.

Dužina rebra, to jeste u vertikalnom položaju visina rebra L , takođe se može koristiti za karakterističnu dužinu, pri čemu je odnos ova dva Rejljeva broja definisan jednačinom (2):

$$Ra_L = Ra_s \cdot \frac{L^3}{S^3}. \quad (2)$$

Prilikom eksperimentalne analize je uočeno da je temperaturna raspodjela po dužini izmjenjivača ujednačena, to jeste da ima mala odstupanja. Tim zaključkom je usvojena preporučena jednačina za prosječni Nuseltov broj za vertikalne izotermne paralelne ploče [14], [15], to jeste $T_s = \text{const.}$

$$Nu = \left[\frac{576}{(Ra_s \cdot S/L)^2} + \frac{2,873}{(Ra_s \cdot S/L)^{0.5}} \right]^{-0.5}. \quad (3)$$

Problem razmaka rebara će biti prikazan u nastavku, gdje za navedeni stvarni izmjenjivač kada su definisani Rejljev i Nuselov broj, koeficijent prelaza toplote ima veoma malu vrijednost:

$$\alpha = \frac{\lambda}{S} \cdot Nu, \quad (4)$$

što implicira i veoma malu količinu toplotnog toka, definisanog jednačinom (5):

$$Q_{con} = \alpha \cdot A_s \cdot (T_s - T_\infty) = \alpha \cdot (n \cdot 2 \cdot L \cdot H) \cdot (T_s - T_\infty). \quad (5)$$


Upravo ovaj nedostatak se dešava zbog uskih razmaka između rebara i nemogućnosti idealnog strujanja vazduha između dva rebara. Da bi se prevazišao ovaj problem dalji matematički model je definisan za optimalni razmak između rebara, jer mora postojati razmak koji osigurava maksimalni toplotni tok prirodnom konvekcijom sa izmjenjivača [13], [14]:

$$S_{opt} = 2,714 \cdot \left(\frac{S^3 \cdot L}{Ra_S} \right)^{0,25} = 2,714 \cdot \frac{L}{Ra_L^{0,25}}, \quad (6)$$

na osnovu čega se dolazi do zaključka da Nuselov broj za $S = S_{opt}$ mora biti konstantna vrijednost:

$$Nu = \frac{\alpha \cdot S_{opt}}{\lambda} = 1,307. \quad (7)$$

Prema jednačini (6), za komercijalni izmjenjivač topline (model sa Sl. 4.a) koji ima razmak između rebara $S = 1,5$ mm, a dužinu rebara $L = 40$ mm, optimalan razmak rebara iznosi $S_{opt} = 4,71$ mm. Dalje je rađena detaljna konstrukcionalna analiza za izradu izmjenjivača tako da se zadrže dimenzije debljine rebara ($t = 1,2$ mm) i širine izmjenjivača ($W = 40$ mm).



Sl. 4. Modelovani izmjenjivači topline za sistem grijanja prostora

Prenos topline, pored konvekcije, mora sadržati i zračenje ukoliko se želi detaljan matematički model, što je urađeno prema jednačini (8), gdje je ε emisivnost površine, A_s površina izmjenjivača a $\sigma = 5,67 \cdot 10^{-8} \text{ W/m}^2\text{K}^4$ Štefan–Bolcmanova (Stefan–Boltzmann) konstanta. Zračenje koje se dobija sa izmjenjivača konstante temperature T_s može se podijeliti na zračenje izloženih površina i zračenje u kanalu [16].

$$Q_{rad} = [\varepsilon_{ch} \cdot S \cdot L + \varepsilon \cdot (A_s - A_{ch})] \cdot \sigma \cdot (T_s^4 - T_\infty^4). \quad (8)$$


Zračenje kanala ima efektivnu (prividnu) emisivnost kanala ε_{ch} [17], za razliku od izloženih površina koje imaju emisivnost ε , kako je prikazano jednačinom (9):

$$Q_{r,ch} = \varepsilon_{ch} \cdot S \cdot L \cdot \sigma \cdot (T_s^4 - T_\infty^4). \quad (9)$$

Pojedini autori [18], [17] zanemaruju male površine, to jeste uvode se određena uprošćenja za površine koje ne odaju mnogo energije zračenjem. U nastavku je jednačina (8), zapisana u obzir sve površine izmjenjivača topline prema Sl. 3:

$$Q_{rad} = (n-1) \cdot Q_{r,ch} + [2 \cdot L \cdot H + n \cdot t \cdot (L+2 \cdot H) + 2 \cdot B \cdot (L+W)] \cdot \varepsilon \cdot \sigma \cdot (T_s^4 - T_\infty^4). \quad (10)$$

Na osnovu ukupnog toplotnog toka sa izmjenjivača analiziran je niz mogućnosti te je uočeno da će izmjenjivač dati svoj maksimum toplotne energije za broj rebara $n = 7$ i razmak $S_{opt} = 5,26$ mm (Sl. 5). Ukoliko se modelира izmjenjivač sa $S = 4,71$ mm i $n = 7$, toplotni tok konvekcijom iznosi 8,815 W, dok izmjenjivač sa 7 rebara i razmakom rebara 5,26 mm (Sl. 4.b) odaje konvekcijom 9,477 W.



Sl. 5. Optimalni razmak između rebara za izmjenjivač 40x40 mm

Zračenje kanala na izmjenjivaču topline može se definisati i preko faktora geometrije tijela \hat{F}_{ch} [17]:


$$\hat{F}_{ch} = \frac{1}{\frac{1-\varepsilon}{\varepsilon} + \frac{1}{F_{S-\infty}}}, \quad (11)$$

pri čemu je $F_{S-\infty}$ ukupni faktor između zidova i osnove kanala i okolnog vazduha.

Ukoliko se faktor oblika uvrsti u jednačinu za količinu energije dobijenu zračenjem kanala, i ako se ne zanemari visina kanala H prilikom definisanja površine, kao u jednačini (9), dobija se nova jednačina u obliku:

$$Q_{r,ch} = \frac{(S+2 \cdot H) \cdot L \cdot \sigma \cdot (T_s^4 - T_\infty^4)}{\frac{1-\varepsilon}{\varepsilon} + \frac{1}{F_{S-\infty}}}. \quad (12)$$

Ukupni faktor $F_{S,\infty}$, za kanal prikazan na Sl. 6, ima veoma zahtjevnu proceduru definisanja, a zavisi od oblika kanala na izmjenjivaču i eventualnih orebrena.



Sl. 6. Kanal izmjenjivača toplote


Za izmjenjivač sa rebrima konstantne debljine, prema [17], faktor geometrije može se definisati prema jednačini (13):

$$F_{S,\infty} = 1 - \frac{2 \cdot \bar{H} \cdot \left[(1 + \bar{L}^2)^{1/2} - 1 \right]}{2 \cdot \bar{H} \cdot \bar{L} + (1 + \bar{L}^2)^{1/2} - 1}. \quad (13)$$

Treba naglasiti da navedeni faktor ne definišu direktno dužina rebra odnosno kanala L i visina rebra odnosno kanala H , nego njihov odnos sa širinom kanala S :

$$\bar{L} = \frac{L}{S}, \quad \bar{H} = \frac{H}{S}. \quad (14)$$

Na Sl. 7. prikazane su vrijednosti toplovnog toka za različite dimenzije komercijalnog izmjenjivača topline, koje su potvrđene eksperimentalno za izmjenjivač topline dimenzija 40x40 mm, a zatim izvršeno modeliranje za nekoliko standardnih dimenzija grejnog tijela. Pored toga, prikazane su vrijednosti toplovnog toka za izmjenjivač topline sa optimalnim razmakom između rebara.



Sl. 7. Toplotni tok za različite dimenzije izmjenjivača topline

Uočava se da optimalni razmak između rebara dovodi do povećanja prenosa topline konvekcijom sa $Q_{con} = 1,026$ W, na $Q_{con,opt} = 9,477$ W, pri čemu je topotni tok veći za približno 10 puta. Naravno broj rebara je smanjen sa 15 na $n = 7$. Koeficijent prelaza topline u tom slučaju je povećan sa 0,451 na $\alpha = 8,671$ W/m²K.

Topotni tok koji se dobije prije optimizacije sa komercijalnog izmjenjivača u vidu zračenja, kada je zagrijan do temperature 90 °C, iznosi 1,664 W. Koeficijent grijanja COP (Coefficient of performance), to jest odnos topotnog toka Q sa izmjenjivača topline u prostor i ulazne snage koja je uložena u vidu električne energije P , iznosi:

$$COP = \frac{Q}{P} = 0,298, \quad (15)$$

pri čemu je uzet u obzir ukupni topotni tok Q sa izmjenjivača u iznosu od 2,69 W i ulazna snaga od 9,026 W.

Koeficijent COP ima veoma malu vrijednost, a razlog je izmjenjivač topline koji nema optimalan razmak rebara te nije u mogućnosti predati maksimalnu količinu topline za tu površinu Peltierovog elementa. Optimizacijom izmjenjivača topline sa prirodnom konvekcijom, povećao se koeficijent COP sa 0,298 na vrijednost veću od 1 to jeste 1,23, pri čemu ukupni topotni tok sa novog grejnog tijela iznosi 11,1 W.

III. EKSPERIMENTALNA ANALIZA SISTEMA GRIJANJA PRIMJENOM TERMOELEKTRIČNOG GENERATORA

Analizom dosadašnjih istraživanja [19]-[21], instalacija za eksperimentalno ispitivanje izmjenjivača topline prikazana Sl. 8, zamišljena je tako da se jedna strana Peltierovog elementa održava na konstantnoj temperaturi pomoću laboratorijskog rashladnog uređaja. U realnom procesu to je temperatura spoljnog okolnog vazduha. Temperatura okolnih prostorija, to jest temperatura vazduha u laboratoriji gdje se nalazi instalacija, održava se na fiksnoj željenoj temperaturi pomoću topotne pumpe.



Sl. 8. Eksperimentalna instalacija za analizu TEG u prostoru
1-grijana prostorija; 2-rashladni uređaj koji simulira spoljni vazduh; 3-mjerna akvizicija; 4-senzori temperature vazduha u prostoru; 5-senzori temperature površine izmjenjivača topline; 6-izmjenjivač topline na toploj strani;

Napajanje Peltierovog termoelektričnog modula korištenog tokom eksperimentalnog mjerjenja (Sl. 9.) vrši se pomoću napajanja 24 V sa mogućnošću regulacije napona od 0 do 14,5 V i struje od 0 do 12 A.

Senzori temperature su PT100 sonde, rezolucije ±0,1 °C. Osnovna akvizicija na koju su spojeni senzori je proizvođača QuantumX. Akvizicija je umjerena sa kalibriranim uređajima i mjeri napon i struju na krajevima Peltierovog elementa i temperature u više tačaka.


Prostor između toplog i hladnog vazduha razdvojen je pleksiglasom debljine 4 mm, koji ima ulogu i nosača termomodula zajedno sa ostatkom instalacije.



Sl. 9. Izgled korištenog Peltierovog modula

Eksperimentalni rezultati mjerena za sistem grijanja prostora sa aluminijumskim grejnim tijelom i Peltierovim elementom kao generatorom toplove prikazani su na Sl. 10. i Sl. 11. Uočava se da su temperature izmjenjivača toplove na vrhu i u dnu izmjenjivača ujednačene i odstupanja su maksimalno $1,2^{\circ}\text{C}$, dok je temperaturni prosjek $0,55^{\circ}\text{C}$. Usvojena temperatura ambijenta je 20°C .

Na Sl. 10. prikazani su rezultati brzog zagrijavanja izmjenjivača toplove, što ima za cilj analizu mogućnosti postizanja željene temperature u kratkom vremenskom roku. Svakako da je to veoma važno prilikom startovanja sistema posle prekida u radu, a uočava se da izmjenjivač dostiže temperaturu u iznosu od 90°C za manje od 4 minuta. Spoljnja temperatura vazduha tokom mjerena prikazanog na Sl. 10. kretala se u granicama $10\pm0,1^{\circ}\text{C}$.




Sl. 10. Eksperimentalni rezultati mjerena za sistem grijanja prostora sa aluminijumskim grejnim tijelom i Peltierovim elementom kao generatorom toplove – brzo zagrijavanje izmjenjivača

Na Sl. 11. prikazani su rezultati postupnog zagrijavanja izmjenjivača toplove, kako bi se analizirala stabilnost sistema. Tačnije, cilj tog mjerena je ostvariti željenu temperaturu na izmjenjivaču toplove uz minimalni utrošak energije i doći do zaključka da li sistem radi stabilno sa promjenom parametara.

Jedna od mogućih promjena parametara je promjena spoljne temperature vazduha u slučaju pojave hladnog vjetra, što je prikazano Sl. 11. Uočava se da sistem nije stabilan, to jest temperatura izmjenjivača u okolini se skokovito mijenja, a samim tim i temperatura toplog izmjenjivača u prostoru. Bez obzira na ovo pothlađivanje, sistem se veoma brzo ponovo zagrijava na zadatu vrijednost.

Spoljna temperatura vazduha tokom mjerena prikazanog na Sl. 11. kretala se u granicama $10\pm1,5^{\circ}\text{C}$. Temperatura susjednih prostorija, posmatrajući iz prostorije u kojoj se vrše mjerena, usvojena je kao grijani prostor i kreće se u granicama $20\pm1^{\circ}\text{C}$.

Sistem je startovan sa temperaturom sobnog vazduha u iznosu od $20,0^{\circ}\text{C}$, a tokom mjerena je dostignuta temperatura vazduha od $22,7^{\circ}\text{C}$, to jest postignuta je topotna ugodnost.



Sl. 11. Eksperimentalni rezultati mjerena za sistem grijanja prostora sa aluminijumskim grejnim tijelom i Peltierovim elementom kao generatorom toplove – postupno zagrijavanje izmjenjivača

IV. ZAKLJUČAK

U radu je izvršena optimizacija izmjenjivača toplove sa paralelnim rebrima, za sistem grijanja prostora sa Peltierovim termoelektričnim modulima kao generatorima toplove. Urađen je detaljan matematički model prenosa toplove sa prirodnom konvekcijom za postojeći izmjenjivač toplove, a zatim urađena optimizacija izmjenjivača toplove to jest optimalni razmak između rebara ili širina kanala.

Izvršena su mjerena sa postojećim izmjenjivačem toplove, koji je pripremljen da prekrije cijelokupni Peltier element. Mjerna akvizicija je prikupila podatke ulaznog napona, ulazne struje, temperatura unutrašnjeg i spoljašnjeg vazduha, te površinskih temperatura izmjenjivača toplove na toploj i hladnoj strani.

Na osnovu eksperimentalnih mjerena da se zaključiti da je sistem stabilan, jer pri spoljnoj temperaturi u iznosu od 10°C uspijeva zagrijati sobni vazduh na temperaturu od $22,7^{\circ}\text{C}$.

Na samom termoelektričnom modulu sa izmjenjivačem toplote dostignuta je maksimalna temperatura površine od 90 °C, pri ulaznoj električnoj snazi od 9,026 W. S obzirom da je sistem prvobitno u prostor isporučio svega 2,69 W toplotnog toka, dolazi se do zaključka da je stepen korisnosti COP malih 0,298. Kada se pogleda vrijednost ulazne električne energije i toplote koja se oslobođa u prostor, dolazi se do zaključka da bez optimizacije izmjenjivača topline ovaj sistem nije opravdano koristiti.

Optimalni izmjenjivač topline za prirodnu cirkulaciju vazduha bi obezbijedio toplotni tok u prostor u iznosu od 11,1 W, što za istu količinu ulazne električne energije kao u prvom slučaju definiše COP veći od 1, tačnije 1,23.

Treba naglasiti da nije sigurno koju bi količinu ulazne električne energije trošio sistem sa novim optimizovanim izmjenjivačem topline, zagrijanim na 90 °C. Ukoliko se želi dobiti detaljna uporedna analiza, neophodno je izraditi izmjenjivač topline definisan ovim radom, kako bi se izvršila ponovljena mjerena identična prvom slučaju. Jedino tako je zaista moguće uporediti ova dva izmjenjivača i COP oba sistema.

Sistem sa ovim vrijednostima COP nije konkurentan toplotnim pumpama, ali su svakako jedna od opcija za zamjenu freonskih sistema. Primjenom sistema sa prinudnom cirkulacijom vazduha dodatno bi se povećala efikasnost sistema.

Dalja istraživanja imaju za cilj, pored definisanja sistema za hlađenje vazduha u prostoru, optimizaciju broja modula po površini izmjenjivača, to jest raspored manjeg broja modula na veću površinu izmjenjivača, a samim tim i povećanje COP.

LITERATURA

- [1] Ma, X., et al., Building Integrated Thermoelectric Air Conditioners-A Potentially Fully Environmentally Friendly Solution in Building Services, *Future Cities and Environment*, 5 (2019), pp. 12, doi: <https://doi.org/10.5334/fce.76>
- [2] Gondal, I. A., Design and experimental analysis of a solar thermoelectric heating, ventilation, and air conditioning system as an integral element of a building envelope, *Building Services Engineering Research and Technology*, 40 (2018), 2, pp. 220-236, doi: 10.1177/0143624418814067
- [3] Khanh, D.V.K., et al., Optimization of thermo-electric coolers using hybrid genetic algorithm and simulated annealing, *Archives of Control Sciences*, 24 (2014), 2, pp. 155–176
- [4] Cheng, T. H., et al., An effective Seebeck coefficient obtained by experimental results of a thermoelectric generator module, *Applied Energy*, 88 (2011), 11, pp. 5173–5179, doi:10.1016/j.apenergy.2011.07.033
- [5] Luo, Y., et al., Dynamical simulation of building integrated photovoltaic thermoelectric wall system: Balancing calculation speed and accuracy, *Applied Energy*, (2017), 3, doi: <http://dx.doi.org/10.1016/j.apenergy.2017.03.024>
- [6] Liu, Z., et al., Experimental evaluation of a solar thermoelectric cooled ceiling combined with displacement ventilation system, *Energy Conversion and Management*, 87 (2014), 1, pp. 559–565
- [7] Irshad, K., et al., Study of thermoelectric and photovoltaic facade system for energy efficient building development: A review, *Journal of Cleaner Production*, 209 (2019), pp. 1376-1395, doi: <https://doi.org/10.1016/j.jclepro.2018.09.245>
- [8] Irshad, K., et al., Thermal comfort study of a building equipped with thermoelectric air duct system for tropical climate, *Applied Thermal Engineering*, 91 (2015), pp. 1141-1155, doi: 10.1016/j.applthermaleng.2015.08.077
- [9] Chen, L.G., et al., Performance optimization of a class of combined thermoelectric heating devices, *Science China Technological Sciences*, 63 (2020), pp. 2640-2648, doi: <https://doi.org/10.1007/s11431-019-1518-x>
- [10] Trancossi, M., et al., Thermoelectric and solar heat pump use toward self sufficient buildings: The case of a container house, *Thermal Science and Engineering Progress*, 18 (2020), doi: <https://doi.org/10.1016/j.tsep.2020.100509>
- [11] Afshari, F., Experimental and numerical investigation on thermoelectric coolers for comparing air-to-water to air-to-air refrigerators, *Journal of Thermal Analysis and Calorimetry*, 144 (2020), doi: <https://doi.org/10.1007/s10973-020-09500-6>
- [12] Pupčević, M., et al., Experimental analysis of the justification of using a space heating system using a Peltier thermoelectric generator, *IEEP Industrial Energy and Environmental Protection in the Countries of Southeast Europe*, 8 (2022)
- [13] Bar-Cohen, A., Rohsenow, W.M., Thermally Optimum Spacing of Vertical, Natural Convection Cooled, Parallel Plates, *Journal of Heat Transfer*, 106 (1984), 1, pp. 116-123, doi:10.1115/1.3246622
- [14] Cengel, Y.A., Ghajar, A.J., *Heat and Mass Transfer-Fundamentals and Applications*, McGraw-Hill, New York, USA, 2011, ISBN978-007-131112-0
- [15] Ahmadi, M., et al., Natural convection from rectangular interrupted fins, *International Journal of Thermal Sciences*, 82 (2014), pp. 62-71, <http://dx.doi.org/10.1016/j.ijthermalsci.2014.03.016>
- [16] Yong, K.K., et al., On the role of radiation view factor in thermal performance of straight-fin heat sinks, *International Communications in Heat and Mass Transfer*, 37 (2010), 8, pp. 1087-1095, doi: <https://doi.org/10.1016/j.icheatmasstransfer.2010.06.012>
- [17] Shabany, Y., Radiation heat transfer from plate-fin heat sinks, *IEEE SEMI-THERM Symposium*, 24 (2008), pp. 132-136
- [18] Rea, S.N., West, S.E., Thermal radiation from finned heat sinks, *IEEE Transactions on parts, hybrids, and packaging*, 12 (1976), 2, pp. 115-117
- [19] Fairuz, M.R., et al., Experimental study of a mini cooler by using Peltier thermoelectric cell, *IOP Conference Series: Materials Science and Engineering*, 788 (2020), 5, doi:10.1088/1757-899X/788/1/012076
- [20] Giaretto, V., Campagnoli, E., The Elusive Thomson Effect in Thermoelectric Devices. Experimental Investigation from 363 K to 213 K on Various Peltier Modules, *Metals*, 10 (2020), 2, doi: <https://doi.org/10.3390/met10020291>
- [21] Abbas, Z., et al., Performance evaluation of novel solar-powered domestic air cooler with Peltier modules, *Journal of Mechanical Science and Technology*, 34 (2020), 11, pp. 4797-4807, doi: <http://doi.org/10.1007/s12206-020-1036-0>